

劉興國

寒疫合編

寒疫合編歌括目錄

卷四

各種瘟疫證治說

毒痢證治及歌方

暑病方

爛喉證論治法

喉證歌

腫脹證治說

腫脹治法歌

回食證治歌

雜病證治歌

半憨醫案

寒疫合編歌括卷四

什邡王光何春田編輯

大頭瘟

按瘟疫書中所載大頭瘟證頭面壅腫目不得開
咽喉不利舌爛唇焦熱渴而喘以普濟消毒飲服
之愚按其病乃三陽並傳熱毒壅上正宜河間雙
解散即防風通聖散全方與之表裏併治方爲合法若邪
之輕者與普濟消毒似可

普濟消毒飲

黃連 桔梗

黃芩 連翹

人參

元參

甘草 白芷

牛旁子 升麻

寒疝

馬勃 僵蠶

藍根 柴胡

捻頸瘟

捻頸瘟者喉痺失音頸大腹脹形如蝦蟆以荆防敗

毒散與之

荆防敗毒散
人參 荆芥 防風 羌活 獨活
川芎 桔梗 甘草 茯苓 枳殼

前胡 柴胡 僵蠶 可加 牛旁子 人中黃

方證相宜毋庸再議

瓜瓢瘟

瓜瓢瘟胸高脇起嘔血如汁古方以生犀角飲加減

治之

生犀角飲

犀角

二錢

蒼朮

一錢

米泔

黃連

一錢

黃土

五分

芥茶案

一大枚

金汁

半盞

和藥服

虛加鹽水炒

人參

大便秘

結加大黃

渴加乾葛

蔓根表熱

去蒼朮

黃土

加桂枝

黃連便膿

血去蒼朮

倍黃土

加黃藥

便滑以

人中黃

代金汁

按此證胸高脇起邪干上焦也嘔吐血水陽毒迫血上溢也雖有犀角解熱然非大黃逐邪下行必難愈也當以小承氣湯合犀角地黃湯與之方合

於證且加減法中表熱加桂枝一法更屬悖謬不
量胸高脇起嘔血如汁是陽盛迫陰也表熱乃由
裏熱所致裏熱一去表熱自解何待以桂枝辛熱
不惟助陽動血且犯仲景陽盛必斃之條夫醫以
理不可悖理以是古方妙在合理而用古方也

楊梅瘰

楊梅瘰徧身紫塊忽然發出瘰瘡者是也以清熱

解毒湯下人中黃丸併刺塊血出

清熱解毒湯

黃連
石羔

黃芩
羌活

白芍
知母

生地
甘草

人參
升麻

葛根

生薑

人中黃丸

大黃

三兩尿浸

人中黃

竹筒入甘草末閉孔去竹青入糞中浸百

日取

蒼朮

麻油炒

桔梗

二錢

滑石

二錢

人參

黃連

防風

各五

錢香附

薑汁炒

一錢半

神麴

糊爲丸

以清熱解毒湯送

下

按此證卽今之楊梅結毒瘡也如瘡爛血出可用千里光草熬膏搽之內服藥亦入千里膏調服最效設初得時大熱身疼宜先服防風通聖散以解表裏熱毒其證必輕此愚屢驗者

絞腸瘟

絞腸瘟、腸鳴、乾嘔、腹痛、水瀉不通者，是也。先以鹽湯

探吐之，宜服河間雙解散。

防風

山梔

連翹

川

芒硝

大黃

白芍

黃芩

薄荷

當歸

芍

荊芥

桔梗

麻黃

甘草

蔥薑

滑石

芎

按此方治此證，又太過矣。此證卽今之絞腸痧，是

也多發於暑月，縱使水瀉不通，亦不過藿香正氣

散、胃苓湯證也。豈可汗下？當其急痛嘔瀉時，只以

錢一枚，攤油擦手足四彎，出黑血，成塊，再以鹽湯

鵝翎探吐，上膈風痰出，病卽鬆減。如痛不減，以白

礬一錢爲末、陰陽水下、卽吐而痛止、輕者藿香正氣散加吳萸、黃連而愈、如重者、脈必微細、手足厥冷、吐利並作、或下完穀、當以附子理中湯加砂仁、半夏、薑汁、甘草汁和服、可愈、然吐瀉服疼、證屬太陰、手足厥冷、完穀不化、證屬少陰、乾嘔清水、煩燥如狂、證屬厥陰、豈可以硝黃石羔滑石麻黃等虎狼之藥與之耶、業斯道者、當胸中有主、勿爲方書所欺也、

疔瘡瘰

疔瘡瘟者發塊如瘤、徧身流走、旦發夕死者是也、急以三稜針刺委中穴二分出血、及服人中黃散、人中黃散 辰砂雄黃極明者各一錢半 人中黃兩 共爲末薄荷桔梗煎湯下日三服夜二服

按此證愚未之見、何敢臆議、謹以原方載之

軟脚瘟

軟脚瘟者、便清泄白、足腫難移是也、卽濕瘟之傳染、宜蒼朮白虎湯

蒼朮白虎湯

蒼朮

石膏

知母

粳米

甘草

按瘟乃熱邪，又因挾濕傳經而侵於脾胃，故熱利、清水、足腫而疼。外證必有熱形，以白虎撤其熱，蒼朮燥其濕，法有當然之理，愚復何言？

麻腳瘟

麻腳瘟見於道光初年，吾邑猶甚。有八人方共席而一人呼足麻，舌卽強而倒。七人驚相掖，未幾一人死。二人又倒，其五人驚走路死。一人家死，二人所無恙者，僅二人又市頭交易，一手執布，一手接錢而接錢者倒斃。執布者驚走死於道。於是日多暴死，醮釀不

已又起大憊久之有人以磁鋒刺病者手足四彎出
黑血其病立愈舌強者刺舌下黑筋血出卽能言與
服荆防敗毒散其病如失蓋此證也中之如疾雷逐
電去之亦如落葉隨波瘟毒之不測有如是哉及後
有秦人以赤金紅靈丹治一切暴發急證近於瘟者
活人無算然多秘其方不傳愚得之長安客舍百試
百驗不敢自私因備載以廣傳聞願得此方者幸勿
惜藥資以居奇則不負愚傳方之意也

赤金紅靈丹

豆粒硃砂

錢七

透明雄

黃

錢七

明牙硝

錢五

白礪砂

錢三

水片

錢一 真麝香

錢一

青蒙石

三錢童

使焯

赤佛金

三十張輕掃

下入藥研

右藥先研牙硝爲末，另起一處再研蒙石礪砂至細，起出又再研雄砂片香佛金至細，方合研一處至無聲爲度，以磁瓶收好。遇一切中風、中暑、中痰、中惡、瘟疫急證、毒痢、毒瘡、絞腸痧證，每服六七厘，病至重不過一分，無不立效。

蟲顛瘋

蟲顛瘋者，見於咸豐戊午，人忽感受，卽迷本性，揚手

躑足日默語妄兩手於身捕捉蟲蟻或覓刀杖欲火
燎蟲種種怪妄但外無渴熱之形時師多作陰寒以
理中四逆死者不知凡幾鄰人袁氏夜半忽得此證
求愚診治而病者掣縮兩手強之則怒目咬人且於
身捕蟲甚急愚靜坐以窺其變移時欲便便未已又
索火索刀無一刻甯靜愚忽有悟卽與達原飲加生
地鬱荆菖蒲貝母僵蠶與之先令服大黃汁半盞繼
進以藥天未明而病者甦醒再一服病去如失由是
患此病者衆求方日甚因書數百紙貼告通衢活人

不少門人疑而問曰是證也外無頭疼身痛發熱惡寒煩渴之形惟目眈神亂喜火捕蟲且中人迷亂似是陰邪直中之證而先生之方與病甚殊而又去病如響心甚惑焉敢請所以愚曰何異也卽以是病言之揚手躑足目眈妄語覓火捉蟲皆肝脾病也疫乃火邪火盛風生脾主四肢風木刑脾故主動搖蟲因風化目爲火障妄見蟲形陽逼於內喜火相親乃假陰極陽之象外無表證邪在膜原欲便不便覓刀不甯純是疫毒鬱而未伸欲內欲外無竅可出風木主

動感發故速然皆火迫非邪傳也其勢雖重其病實輕故以達原直逐膜原伏邪以僵蠶鬱荆解鬱舒肝菖蒲開竅生地養血貝母除痰先以大黃道出熱邪不使傳經群藥隨而驅逐廓清病源是以愈也是亦見證治證別無他異二三子終日不讀書與古人爲讐無怪其貿貿而不察也

腫眼瘟

腫眼瘟者見於咸豐戊午之秋感發迅速忽焉目癢揉之卽腫赤不開一時傳染數百里但不七日自愈